

Hijmara çapê 94

Pêşeroj Cewherî

Ilham evîna bê dawî

Helbest



Navê berhemê : Ilham evîna bê dawî

Navê daner : Pêşeroj Cewherî

cureya berhemê : Helbest

hijmara çapê : 94

Dîroka çapkirinê : 02.03.2023

hemî maf ji nivîskar re parastî ye

Kombûna zanyarên azad KZA

<https://reberhebun.wordpress.com/>

Baran çendî
Pêşeroj Cewherî

Baran çendî her bê bibar
Ev warê dil nabe buhar
Gul ú giya ji bo çine
Bidestê te bihnekim yar

Buhar ji ber te bêbîne
Li himber wê dil bêvîne
Cotkarê kul û keseran
Were diê min biçîne

Were dilê min bike bax
Ji kul û derda bike sax
Îro çend roj birîndare
Derman nabe bihêsra ax

Hêsir ji çavan dihere
Agirê dil venamire
Bigirî xem nebûn şahî
Xewnên borî lê megere

Bila herdem biherike
Dermane dil jê fir bike
Çemên xewn û xeyalên te
Zozane bo min hênike

Evîna te bo min delal
Jiyan û kaniya zelal
Bawer bikin nizanim yar
Rastî bû yan hizr û xeyal

Pêşeroj Cewherî

Kezî marê

Ey zeriye kezî marê

Newêrim li te binêrim

Xeml û kemla te dibînim

Nema zanim bi kud herim

Bûye çend sal dilbera min

Peristîê evîna te me

Mixabin bi ser kula de

Dil bernade evîna te

Ez dipirsim ji dilê xwe

Heta kengî ev peristî

Dilê min hey jaro dilo

Bese xizanî û mestî

Dilber ne wek yar ate ne

Tu hêlaya ser vî halî

Yar wek zîna cezîrî ye

Li ser memê tim dikalî

Mane bese lê zeriye
Ji sozên te min tişt nedît
Ji bil axîn û firyadî
Ji bil sitem min jî nedît

Newêrim ez

Maçê herdu lêvên di sor
Harin dilo newêrim ez
Destê xwe Nadim guliyan
Du reş marin newêrim ez

Du reş çavên te kanîne
Çemê evîn jê di here
Newêrim jê vexwim ji dil
Tirsim dilê min bihêre

Sînga te bax û bexçe ye

Çar cûre rengê gulan e

Behn û bala te lal û gul

Ware dildar û gula ye

Ji male gava bi der tê

Şeva gundê me dike roj

Lê dinêrim bi ax û of

Kî zane di dil deye doj

Derdê dilber

Gava min dî dilbera xwe

Erd û ezman li min hejîn

Çav û dilê min tev girîn

Dilbera min dilbera min

Digrîm jibo evîna xwe

Ji bo lan û hêlîn û war

Dilhejar bûm ji bot e yar

Dilbera min dilbera min

Dil her deman xeman dixwe

Dest û pê ketine dava

Mixabin her dem û gava

Dilbera min dilbera min

Ev dil çiqas dike bo xwe

Lê bi evînê nikare

Tew yar ji bîra min nare

Dilbera min dilbera min

Pêşeroj cewherl

Şîna xwişka min

Di baxê jîna min de

Lalek hebû hîn bişkoj bû

Ji dilê xwe min av dida

Ew şîn dibû roj bi roj

Roja gula min pişkivî

Roja çû dibistana xwe

Roja yekem ji sala yekem

Pirtûkên xwe nû standin

Lê bextê bê oxir û rûreş

Nehîşt gula min bîn vede

Li bûyerek hatûçûnê wê jiyana

Xwe ji dest da agir xiste nav dilê min

Axîna min şehrezad bû

.şehrezad bû .

Buhar çima nayê

Li nik me şîn nayê buhar

Her li pey berf û baran

Gul û sosin rûgeş nabin

Di nav baxan û şîlan

Buharî nayê rezê me

Çilmisîn gulên sor û zer

Bihna gulavê nayê me

Ware me hişk bû der bider

Ji baranê gelek kanî

Der bûne li welatê min

Şepêlên çeman û derya

Bi pêl dane her ware min

Çiya û giya di pirsin

Lehiya berf û barabê

Li ser me gelek bariyan

Çima şîn nake jiyânê

Dîsan buhar li pey nehat
Hedem mij û zivistane
Li ser baxên sorgulên min
Bilbil bi zar û fixane
Bilbil gazî da sorgula
Ji baxê cîhanê va tîm
Çima lro li we tenê
Çimislne reng û rêdêm

Sorgula tev gotin ji dil
Berl wan baxan em hebûn
Lê bahozeke ji herêmî
Ji ber rehê n=me sûxar bûn

Bilbilê min bêbuhare
Baxê gula lê bûne xar
Awazên kovan û kula

Ji bilbilê jar têne xwar

Sorgul dibên rezvan hêçe

Dîwar û bend ava nekir

Da rehê me bi parêze

Sûxar û sermê li me kir

Sorgula min ey jiyane

Ez bilbilê te dilsozim

Ji bo te sed sûnd û peyman

Li rezvanê te li dozim

Netirsin cîhan buhare

Sorgula min ey ciwane

Sar û sermê berê tev çûn

Şîn bû buhara jiyane

Bayê hênik ji rojava

Va dest pêkir sorgula min

Ezê li ser hêlîna xwe

Ava bikim delala min

Dil û mêlak

Dilber dil û mêlake

Bi xemla xwe meleke

Di civaka xwe dîle

Pir bêzar û melûle

Dema yarê dibînim

Ji rewşa wê çî dînim

Serxweş û mest û gêjim

Nizanim ka çî bêjim

Evîn pêt û agirim
kes nizane çi sirim
yar derya bê keviye
kelekvan bê hêviye

çavim ji xew bê parin
li benda wê şiyarim
bitirsim wer bimlnim
dilbera xwe nebînim

ka destê xwe bide me
nemaye kes mîna me
em herin kurdistanê
rabe ser xwe lê cane

bila zanibin

bila zanibin dijmin û çî bêdeng

rojawa me dikî berxwedan û ceng

me têper kir gelek demên tar û reş

ronî daye rêka me sitrka geş

destan bidin hev da hûn bibin hevrê

keç û xortên kurd kevna bidin xwarê

emê dîrok û zemîn û çî ziman

rastiyê diyar bik bo xelkê cîhan

doza azadî av didim bixwînê

da ji berê wê derman bikim jînê

çawa binivîsim

nizanim çawa binivîsim ez
van axîn û kovan û keserêt xo
dilber bicarek hejar kirim ez
lê carek napirsê li yarêt xo

li govend û şahiya xemgînim
li geryan û seyrana dilsarim
hey şêrîn şengî tu tu xweş vê zanî
ji çavên kal diljar û bijanim

evînim rojek xweş neda min
belê ez kirim bilbil û şa ir
li baxê eşqa dilber dinalim
lê canê hişke ew mîna kevir

yara min

dilbera min evîna min

gelo carek nayê ba min

dibê çavberim nikarim

bawe bike dilyarê min

kevnetorin pir kelemin

yaro çi nerazî demin

gel pêşketin tenê man em

eman tenê dilbera min

dem dive serê xwe rake

baş binêre çava veke

ji bo roja şadî şeke

pora şitî çav reşa min

were bêje gotina dil

kat bide wêran û kavi

pela diweşîne sorgul

xemgîne bot e zerya min

were civet û jiyanê

bixemlîne bejnê cane

tuwî keça kurdistanê

bi te ser evrazim xanê

were bişkîn hemî bendan

biçînin em tovê jîyan

li şax û baxên niştiman

were delal û rinda min

dîtina yarê

dîtina te agire

pêkve ew min disojî

xwîna te min şekire

pêta di lar û dojî

vîna te lê zîna min

ez kirim derya xema

xwezî li min te yarê

bipirsî carek hema

kanî destê xwe yarê

bişkîne bend û lela

da dilxweş û aza bin

li pesar û li mila

çi bibêjim bê pesne

her ziman best û lalim

dil ji bîra te nabim

her tim bi ax û nalim

ten as nakim

buhara can û dilê min
kula serdane hale min
lê çî mest û dîn dibim ez
yarê dibê ten as nakim

dibêjim wê roja dema
daniştin ber siya xema
me dixwend dîroka evîn
yarê dibê te hiş nakim

ezim ew dildarê te me
dilkuştiyê vîna te me
îro birîndarê te me
yarê dibê ten as nakim

belê derdan tu dizanî

wêran meke dilxopanî
noşdara dilê evîndar
bes bibêje ten as nakim

pêşeroj cewherî .

em azadî olin

em kurdin azadî olin
xwedan dîrok û sembolin
şervanin him aştîxwazin
hey neyar yekê bijêre

ew xapên we hew diborin
rojên reş hew nazîvirin
ji wekhevî yan berberî

hey neyar yekê bijêre

rêka dijmin korê ye

ji mirovatî derê ye

lê car ne carên berê ye

hey neyar yekê bijêre

em kurdin vîna serbestin

yên wekî me ne bindestin

ji cengîn û agirbestin

hey neyar yekê bijêre

pêşeroj cewherî

barzanî

erê barzanî barzanî
hemî pêkve me soz danî
rista te ,j mer ol û jîne
veger jê nabe barzanî

çirak j.çar çirayên mihabad
bizavkarê her dem û qad
govaye rûbarî aras
çendîn balaye barzanî

damar û cergê netewî
cîhanrojê kurdan tuwî
xarê çavê ba,s û bîrya
sembola aştî barzanî

hebûn bo her kesî pêşew

tac û şan û al û pertew
ne şaşim dama ku bêjim
dîroka kurd barzanî

sembola kurd û Kurdistan
pêşengê aylûlan giran
îro xêr û xweşî meya
hemî Bi saya barzanî

Her hebî

Her hebî yara min

Her hebî tim bo min

Bawer nekî ticar

Tê biçe ,j bîra min

Dilê me şa nebûn

Ewan li me pir bûn

Di gel vê her tiwî

Yar û dilvîna min

Agir dil disojî

Her gav û her roji

Rûgulav û rindê

Hînga tê bîra min

Yarê şekir mizê

J,birînê xwîn dizê

Kes j,te pêve nîne

Şemala roja min

Pêşeroj cewherî .

Bejna resen

Çavê reş têla rêsaye

Ji tenya topa kil dayee

Mixabin bejna hilalî

Li bindestê dimina ye

Bi min re wê gelek sozdan

Yek bi tenê bicî nedan

Li bager lîskan kuştim

Evîna dilê şehîdan

Nizanim çawa bixwlnim

Baweriya wê biçînim

Sedsala bîstan jî borî

Hîn li nik xwe wê nabînim

Bawer bikin îro yare

Ew ji min gelek bêzare

Demsala zivistan borî

Çima li me ne buhare

Zimanê kurdî

Kurdo bixwîn zimanê xwe

Kurdo bixwîn dîroka xwe

Da binûse peyama me

Bê zimanê xwe ne kurdî

Bê zimanê xwe ne merdî

Ziman hişê di mejyan de

Mîna şanên di xwînan de

Giya şîn tê ji kokan de

Kurdo bixwîn zimanê xwe

Kurdo bixwîn dîroka xwe

Ger zimanên xwe ne xwînin

Çi rûmeta xwe bibînin

Bizanibin ne zindînin

Kurdo bixwîn zimanê xwe

Kurdo bixwînin dîroka xwe

Koda jîn û hebûna me

Ku nexwînin gelek şerme

Çi dimîne ji navet me

Kurdo bixwîn zimanê xwe

Kurdo bixwîn dîroka xwe

Ne tazî ne tirk û faris

Ma qey genim dibe garis

Teşyê bi kurdînî birês

Kurdo bixwîn zimanê xwe

Kurdo bi xwîn dîroka xwe

Erê ez amûdê me

Erê ez amûdê me

Her çi kesê dîrokzan bin

Bila bêtin bo min bêjin

Bo çima buhara dil û kulîlkan

Bi narîncokên agirî sotin

Da ku bersiva min bidin

Bo çima sotin

Erê ez amûdê me

Her çi kesê hûnermend bin

Bila bêtin bo min bêjin

Da ku bizimanê gunehkaran

Ji bo min stranan bibêjin
Da ku ji xwe re bibînim ew bi çi
Hestî û çawa dibêjin

Erê ez amûdê me
Her çi kesê konevan bin
Bila werin bo min bêjin
Û doza min ji tawanên giran
Bila bijmêrin û xalek reşî din
Li dîroka mirovatiyê palvedêr bikin
Di lênûska mirovhezan de binûsin

Lê dimînim ax û av û agirim
Balindê sîmirim xetîrim venamirim
Hemî heyvên sale me rewanî û heyberim
Eger xweda ku bi pirsî sernavê kurdim

Belê ez amûdê me.....

Pêşeroj cewherî .

Serêkanyê

Serêkanyê serêkanyê

Rûmet îro serêkanyê

Yan dê hebe yan dê nebe

Dilê min ax serêkanyê

Kurdo îro şer pîroze

Welate ne partî doze

Çavê wan li ax ate ye

Dilê min ax serêkanyê

Hemî nepak û xinizin

ketin ware me didizin
koletirkin çûk û mezin
dilê min ax serêkanyê

komê çetan û nijdene
hemî dixsin dijî mene
dinav wan de hin ji mene
dilê min ax serêkanyê
pêşeroj cewherî .
sê perperîk

dinav baxên buhiştê de
sê perperlk di firln
tevn û hêviya mirovatiyê
dirêsin

bi hemî xeml û xêzên xwe
bi nîşan û hêmayên heyberî
pirsa hebûn û nebûna xweda
dibersivandin
lê paytexta bîko ya zikreş û pûştan
derewker û sextekaran
ji kîna dilên xwe
hemî kulîlkên dibaxan de jehr kirin
hersê ferîşteyên min
hersê perperîkêt min
li encamê de nemir bûn
ma qey bêhoî bêsincî ewqas
li ba we tixûbin
dema hûn xwe weke şaristanî
li berdem cîhanê diyar dikin
ma qey çekxorî bêmirêsî xerabî

ji dab û nêrîtên we ne
îro ew mejiyên bav û kalên we
tejanekên wan bes nakin ji bo we
ji berk u ew kurdên bermahiyên dîroka rûreş
îro nemanê li ba me
lê min nizanî bû min nizanî bû
hû ji kulîlk û perperîkan di tirsin
dema hêlînên xwe digel hevdu
dirêsin hûn di tirsin hûn ditirsin

y p g

y p g hêza me ye
parêzvanê miletin

aldara doza meye
navnîşan û rûmetin
de bêjin bijî y p g

navekî bernase ye
îro her kes dizanî
bizava wan rewa ye
kes nine vê nizanî
de bêjin bijî y p g
bergirê xaka me ne
parêzvanê welatin
dostê hemî gelane
netewa demoqratin
de bêjin bijî y p g

şêr û pilingê kurdin

li her derê dibazin
xwîn ji devê wan dizê
rojawa diparêzin
de bêjin bijî y p g

ji atmê ta gir koçer
teşya jînê di resin
li ser kanya xwîna sor
serbestiyê dipêjin
de bêjin bijî y np g

derefşa biratîyê
li herêma rojava
dîroka reş rawestî
roj hatiye delava
de bêjin bijî y p g

pêşeroj cewherî .

şîna ismaîl hogir

hogirê welat ismaîl hogir

ji bo jîna gel te jîn gorîkir

hogirê welat ismaîl hogir

peyama orkêş bo serêkanî

dîroka kevnar ji nû ve danî

hogirrê welat ismaîl hogir

kurên mîna te rêberên kurdan

ji xwe şerm dikin çî bext û wijdan

hogirê welat ismaîl hogir

mirin dimire jîn pê dikeve

zivistan diçe buhar d ,pişkive

hogirê welat ismaîl hogir

ez û pênuşa xwe her birabûn

bo pesnê şehîd ji hev belabûn

hogirê welat ismaîl hogir

bi helbesta xwe ev dil bi derda

pesnê şehîdan min nikarî bida

hogirê welat ismaîl hogir

lêborîna xwe dixwazim şehîd

min nizanî bidim pesnê we şehîd

hogirê welat ismaîl hogir

pêşeroj cewherî

çar şema sor

îro cejna çar şema sor

xweza rengîn li hawîr dor

roja tawisî melek hat

daket ji izmanê jorî

îro cejna çar şema sor

xweza rengîn li hawîr dor

ev roj dîrokek pîroze

li ser xaka heyva zêrîn

rêgeha zerdeştê kalim

hêjaya her tişt bigorî

îro cejna çar şema sor
xweza rengîn li hawîr dor

mehrecan û buhara dil
bilbil dibe civanê gul
li ser sînga şax û baxan
kevneşopên xweş diborî

îro cejna çar şema sor
xweza rengîn li hawîr dor

kevneşopên bav û kalan
di dergûşa xwe , dhejînim
tirafa mogê zagrosan
di fêrgeha min de borî

îro cejna çarşema sor

xweza rengîn li hawîr dor

landika wan şaristana

bi destê xwe min hejandin

welatê min pêşinde bû

li pey wê misr û somerî

îro cejna çarşema sor

xweza rengîn li hawîr dor

herdem di dîroka xwe de

gelê kurd wek dicle û ferat

li ser nave mirovatî

şewqa xwe da çar hawîr dor

îro cejna çar şema sor

xweza rengîn li hawîr dor

pêşeroj cewherî .

şehîdên me

tu,b xwedêke welatê min

herdu çavên xwe negrîne

şehîdên me temîn dikin

evê dozê bi şopîne
şehîd şehîd şehîdên me

dama hêsrana li ser dêman
dibînim ez diherişim
wek pelên dara payîzê
rizyam ez her di weşim
şehîd şehîd şehîdên me

di demsalên zivistanan
izman hêsirana dibarîn
buhar sersaxiyê dike
li şîna xem gul dibarîn
şehîd şehîd şehîdên me

dîrok herdem welatê min

şoreşan ji me dixwazin
rûmeta her mirovatî
şehîdên me diparêzin
şehîd şehîd şehîdên me

pêxemberan welatê min
dema pesnê buhiştê dan
pîlana wan hemê tibû
ji hinga şer tê Kurdistan
şehîd şehîd şehîdên me

dais û bahsî bi hev re
êriş dikin welatê te
kurdo îro li kobanê
şer tê li ser rûmeta te
şehîd şehîd şehîdên me

xwedawenda şehîdan

arîn mîrkan li kaşê miştenûrê

bi çi zimznî te nave xwe nivîsî

ez dikim nakim tēnaghêjim

dem ate destana xwe danî

miştenûrê dikeniya

arîn pêre dikeniya

gelo çima dikeniyar

ez dikim nakim tēnaghêjim

min ji hemî xwedawenda pirsî

ji reben û damizrînerên zîqoratan

ji hemî mog û zaradeştan

da bixwînim destana te û tēbighêjim

lê zor mixabin têngihiştim

arîn velorînên çî ayînan bixweînîm

ji bo zanibim û bidim zanîn

ez dikim nakim têngaghêjim

xwezî xwezayê caraka din

jiyan diyarî te bikira

hîngê dê peyxember nemana

arîn tiwî xwedawenda

star koç kir rêza duyemîn

îro xwedawenda şehîdan arîn

li kobanê ye erê li kobanê ye

ew dojjeha ehrîman dabaşa wê dikir

îro li gel birayên xwe yên tirkên terrorist

têde dişewitin

ew dîroka reş û derew
li kobanê îro tazî bûye
binêrin , binêrin
ehrîman û birayên xwe
li ber dergehê keleha berxwedanê
çawa mirar dibin tirk û tazî mirar dibin
ji bo bizanibin ev der kobanê ye
evder kurdên berxwedêrin

tava helbestê

tava helbestê li ser xaka jîna min

ji mêjde zûde nebariye çol û çiya zinar û Nizar

li pesarên xaknîgara jîna min

çima ji mêj de îro hişkesaliye

ez dilê kurdperweriyê bixwe me

dîrok bi destê xwe min çikiriye

ez kevnarim û kevnarî ji min venijiye

ev rewşa hişkesalî li ser min

belê ev tengezariya li ser min
ey mirovatiya bêbext ji bo çi kesî ne çêberiyê
tava helbestê çima li ser xaka jîna min
ji mêj de zûde ne bariye

mane ez welatê kesk û sorim
ew şoreşa çandiniyê me
şaristan û dîrok bûm ez
kanî ji dilê min diherikîn
îro va bûm hişk û sarim
bê cobar û celalî me
tava helbestê li ser xaka jîna min ji mêj de
zûde ne bariye

ez wek dicle feratê bûm bixumxum tim diherikîm
hemî gund û şar jiyan li ber perê min ava bûn

çim hemî tevgerên min karwan û koç û koçerên min
li qiraxa jiyaneke bê maf û bê wate ,rewşek barketiyê
tava helbestê li ser xaka jîna min
ji mêj de zû de nebariyê

dîrok zane , min genim çand
ji nanê min her kesî xwar
îro jîna min talane her kes parek jê biriyê
xaknîgar û hebûna min ji dîrokê derketiyê
tava helbestê li ser xaka jîna min
ji mêj de zûde nebariyê

şîna bêdawî.....[ilham]

hevjîna min dema koç kir
jiyan li min bi dawî kir
gurên xeman goştê min xwar
bi qîlên tûj hêdî hêdî
min hewar û gazî lê kir
ewê dengê min hîç nekir
jiyanê gef li min dixwar
gerdûn rawestiya hêdî
hêdî hêdî
divê bihna xwe hin vekim
eger bibe ji vir bar kim
da ku kulên xwe lê bar kim
ezê barkim hêdî hêdî

tenê rojek ji bîr naçe
ji dine ez bûm parçe

bê hêvî bûm ji xwe bêzar

xemsaî bûm bêkesûkar

kovandar bûm hêdî hêdî

hêdî hêdî

şehîdên evîna min

delal min serbara min
evîn rewş û bara min
tiwî û dê herdem tu be
egera jîn û vîna min

evîna min li gel yarê
mina gulan li buharê
weke bilbil li ba sorgul
ciwan û xweş cînara min

ez û dicle ferat û yar
xaknîgara bê dost û yar

sêgoşeya bê miradan
nalîna kûr ma hizra min

asîmanê evîna me
naçirisin sitêrkîn me
cobar û çem na xuşxuşin
bêkulîlkin buhara me

bêbuharê serêkanî
dildarê selwa botanî
siyabendê li sîpanê
her şehîdên evîna min

li amûdê

min canek dî li amûdê
wek wê nine l vî welatî
xirabe mala bêbextan
hergav û herdem û wextî

gelek ji cane hezdikim
dilan diyarî wê dikim
bila xênexwazî bimre
çi gav û çi dem û wextî

li şeva evîn û dilan
rûdêma ji şewqa çiran
here wek sîbera wê me
hergav û herdem û wextî

hizr û hestê min li bendê
xanzad û nazik û rindê
xeman û derdê te xwarim
gulbuhara vî welatî

pêşeroj cewherî.

Şehîd amed amûdê [tolhildan]

Îro şehîd heval amed

Bûya hêma dîroka med

Welatê agir û rojê

Ji bo te xemgîn amed

Hûn vî welatîne

Xewza wê bi we zengîne

Zarokên me l, dibistana

Wê dîroka we bixwîne

Ta lehengê wek te hebin

Wê gelê ne blindest bin

Ji ber win agir û rojin

Dijmin her dê li bin pê bin

Axa we bixwînê lêkir

Neyar nema wêre bê ser

Ew dilên we hevî lê çand

Hevrê yên we xwedane ber

Heval amed bo şehîdan

Min û pênuşa xwe levdan

Dikim nakim bê zimane

Naxwêne tamarê hestan

Efrîna min

Ey çiyayên kurmanca xewdawenda baxê zeytûnan

Peristgeha welatê agir û rojê

Dibistana avista xabûr û barîn kobanê

Hemî destan û berxwedan li himber te şermokin

Ey efrîna min dayika xwebexşan

Rûgeha xwedawendan.....

Îro neviyên wan tazî û toran

Di nav tîna kela vîna te de bê şûn û ser dibin

Ey şaha berxwedana serdemêma

Mane tiwî kîna dilê hemî kurdan e

Ey efrîna min

Diserdema rûmet û azadî ji hêla

Her kesî ve bê rêz û bê mires dibû

Te aldara rûmet û berxwedana serdemê

Ji hestiyê şehîdên xwe li pêna hemî mirovatiyê

Te li ser çiyayên kurmanca da çikand

Ey hêviya hemî karwan û rêwiyan ber biroja

Azadî Û rûmetê ve diçin

Ey gemiya hestê mirovatiyê efrîna min

Li ser derya bédengiya hemî mirovatiyê

Ey efrîna min

Ezê herim ser lotika çar çiyayan

Da ji bo te çar sorgulan bi çinim

Ezê birûmet û rêza hemî xwedawendan

Ên gelê arî û mezra botan

Ezê xeml û xêzan ji te re çêkim

Da ku karibim bi dilekî hîn nerazî

Diyarî bejn û bala te bikim

Diyarî berxwedana serdemê bikim

Ey efrîna min

Gelo ne şerme ji bo min

Ez bi helbestekê beşdarî

Evê govenda te bibim

Ez bawer nakim , eger tu vê webala min

Biborîne tica ez karibim evê şermê

Ji ser xwe hilînim, ez gunehkarim efrîna min

Efrîna min

Ez bi serkevtina te bawermendim

Egr bi ahê zarok û dayikan ma be
Ege bi ahê darên zeytîna pîroz ma be
Efrîna min tiwê biserkeve .

Mirada bê war

Ez hîn dilbend û sozdarim
Çavim li bendî yarê me
Belkî carekê miradan
Xwedê şa bike ware me

Were hey mirada bê war

Evîna lê nebûm civan
Gelek şerme bihar were
Nebînim te li nav gulan

Her êvar ku bayê xweş tê
Birînên kul di axivin
Wk deşt û zozanên bê av
Dar û ber lê napişkivin

Kevirên çiyayên felek
Gula li ber dil şikandin
Hêviya destê xwe şûştin
Jiyan li min wergerandin

Şira jiyana bi delal
Herdem şewqa wê ji te bû

Hêlîna heyîna min lê

Bersîka mijankê te bû

Êro li dora roja min

Dunya nema dizîvire

Maye hêsir ji çavê min

Bênavber tîn xwîn jî pêre

Ezê bigrîm ta ku bigrîm

Bila kwîrbim bê te yarê

Lava dikim mekin gazin

Ji hemî lank ul tîn xwarê

Tubaya min

Hêsirên dil û herdu çav
Jî li benda te va borî
Hema weke gulnesrînê
Salê carek ber mid werî

Dema çavim te dibîne
Baran ji xweza dibarî
Gul û rîhan pê vedibin
Xunav biser dil dibarî

Ma gelo tê her hisret be

Wek birînek tim axivî
Herdem xwîn wê ji te bizê
Xew bi çavê min ne kevî

Ger ji eşqa te dil tîbim
Venaxum ava kewserê
Tasek ava dîtna zelal
Can ji min bistîn himberê

Ezê kengî li gel te yar
Bibim mêvanê vîna dil
Hîngê bihar bixemile
Li nav daran gul û bilbil

Li ser baxên evîna dil
Zivistan ne bê dawîye

Nêzîk bûye tubaya min

Dara wê va xunc girtiye

Payîzek xem

Min digo qey ev dilê min

Herdem wê bi te,r bimîne

Lê min nizanî bû cane

Rojkê tê min bixapîne

Min bi teşya evîna te

Gelek xewnên xwe pê rêşî

Lê Mixabin min nizanî

Sozên te weha bêrêzî

Dema sozên xwe bê rêz kir

Piştî xwe da min û meşî

Ez jî bûm wek pelê çilo

Berî wexta xwe de weşî

Bîranên te yara min

Payîzek xem bê dawîye

Ji ber êşa te dilê min

Bihar tê de vemiriye

Bawer nakim careka din

Bihar li min bipişkive

Heta xem û xeyalên te

Bi ber çavê min bikeve

Şivanim ez

Şivanim ez evîndarim

Pezê xeman diçêrînim

Mêvanê heyva şevê me

Wêneyên yar tê dibînim

Dema xelk di kevin xewê

Xemên xwe dibim şevînê

Bi şev pêde biheyvê re

Birînên kul dikewîne

Ji ber êş û tîna rojê

Ketim bextê şev û heyvê

Min rizgar bik ji ber rojê

Kî guhdare li vê peyvê

Berê ez lawê rojê bûm

Îro hezkiryê şevê me

Ji bo eşqa te dilberê

Penaxwazê tariyê me

Şivanîm ez birîndarim

Dermanê min dektor zana

Kengî dora min dê were

Nesaxim pir derd û jana

Pêşeroj cewherî

Piştî deh sal ji evînê

Piştî deh sal ji evînê

Yar dibêje mi tu kî ye

Îro li ber min di meşe

Xwe dikî min tu ne diye

Ey ho yarê ev çi bexte

Ev ne rêkarên dostane
Bikuje min bi van derdan
Naxwazim bê te jiyane

Gava dilber bibin bê soz
Dildarên xwe bixapînin
Bihar çima bipişkive
Bilbil ji bo kê bixwîne

Bi sûnda wê bisk û gulî
Evîna xwe bi parêze
Jana te xwe berda dilî
Çima sozên te bê rêze

Evîn li nik te ne raste
Da li min guhdarî bike

Hêvî tevde bûne xwezî

Yar konê xwe ji dil rake

Pêşeroj cewherî

Li xurbetê

Tirsim li xurbetê bimrim

Welatê xwe ez ne bînim

Dil bibe gora hisretan

Nebînim ware şermolan

Dema bixurbetê ketim

Bûm kerengê ber bê ketim

Dil û cane min şikestin
Hêsir ji xwe tên bê rawestin

Kes hêsirê min nabîne
Dil û hinavim digrîne
Li xurbetê birîndarim
Tenê me bê kesûkarim

Kê em çol û bêlan kirin
Bê welat û xerîb kirin
Welatê me xêr û bêre
Bo her kesî lê nej me re

Lewra îro em bê warin
Xerîbin bê kesûkarin
Xwedê ne hêle zorkeran

Felek serê me wergeran

Pêşeroj cewherî

Dîmen zêrê

Awir şêrê dîmen zêrê

Çiqas pesnê xwe zêrîne

Li ber bihna min gulave

Delal û çak û şêrîne

Gava ew li min dinêre

Awirên wê pir bi tirsin
Hest û nestê min dinêre
Goşt û hestî me ne hesin

Tê bimîne armanc min
Birîna kêr a dilê min
Her ji bo min bûye hisret
Li vê dine serbara min

Ger ti bikarî bijmêre
Van sitêrkên li ezmane
Hîngê tê bikarî canl
Vîna min bo xwe bizane

Ger ti bikarî bijmêre
Masiyên van çem û deryan
Ew çax tê bawer bike can
Gul û rîhan bot e weşyan
Pêşero cewherî.

Çi bikim ez

Ger dibaxan de bê gul bim
Ji her kesî ve bê mil bim
Hîsir û kovan û kul bim
Gelo çawa çî bikim ez

Li warê min bê kene buhar

Ne bi roj û ne bi êvar

Gazin li bê rê nake têkar

Gelo çawa çi bikim ez

Ger bira ne birasoz be

Tiştêk li ba ne pêroz be

Bê soz û cejn û Newroz be

Gelo çawa çi bikim ez

Rêberê me ne rêzan be

Pêşnimêjê me nizan be

Kelekvan ne melevan be

Gelo çawa çi bikim ez

Li gundê me tê zivistan

Dixemilin çol û çîyan

Lê nameye şîrê mihan

Gelo çawa çi bikim ez

Pêşeroj cewherî.

Bawer nakim

Bawer nakim careka din

Bihara dilê min were

Wek çemê ku diherike

L,kaniya xwe venagere

Bawer nakim serbare nin

Jiyan dîsan bigirniye

Wek pelên dara biweşe

Dil maye kul bê dilbere

Bawer nakim delala min

Bi çavên xwe te bibînim

Mîna gulan te bîn bikim

Li min ew hisret serwere

Hisreta min zor girane

Kesek derdê min nizane

Ezê barkim ji vî warî

Madem yarê ne li wire

Ezê barkim şevêk bê heyv

Guhnadêrim çî got û peyv

Vehêlim welatê derdan

Bila çî,b serê mid were

Pêşeroj cewherî.

Min xêr nedît

Li vê jînê min xêr nedît

Ne ji dê û ne ji bava

Roj biyek carê hilnebû

Ta ku li min biçî ava

Min xêr nedît bextê reşim

Pelên payîza di weşim

Ji xelkê re bihar û bêr

Şivan pez anî delava

Min xêr ji bo her kesî xwest

Tenê îro bê parim ez

Li gel biratiya me xwest

Nedan me rêz û silava

Ger bixwaze rastiya min

Bi xwîne vê helbesta min

Hêvî dikim tê bighêjî

Kê em xistin xap û dava

Ger tu ji min bi pirsî

Çawa ristê min bi xwînî

Gelo ke ez çî dibêjim

Pêncsed sal piştî silava

Pêşeroj cewherî .

Naxwazim ez

Naxwazim ez te bibînim

Ji ber çavên xwe bitirsim
Ew raza dil bo te bêje
Ez li heber vê berpirsim
Li gundê me tu dizanî
Gelek xêrnexwazên me ne
Mane rind û delala min
Bi vî derdê xwe bê kesim

Ji serdama min nas kir tû
Yek kul û derdê min tu bû
Îro ji ber te lala min
Çibkim biqels û nebesim

Gelo çima dij vîna me

Dinya tev radibe ser xwe

Berê ez dildarê te me

Ji eşqa te teşîrêsim

Ezê ji bo evîna te

Şev û rojan bigînim hev

Rizgar bikim te yara xwe

Xemla biXwînê birêsim

Pêşeroj cewherî .

Pênûsa min

Pênûsa min pê nikare

Helbesta dil binivîse

Xwedê tenê zane yarê

Rista vîna min birêse

Li bende te ,emir borî

Dîtina te her xwezî bû

Lê mixabin evîna min

Îro çima bê hêvê bû

Helbesta min nayê nivîs

Ji vî dilê min der nayê

çibkim ji vê hisreta xwe

derman li derdê min nayê

li himber vê evîna te

ziman lalim ji ber çendê

tiwê derdê min li jînê

naz û rindê xwedabendê

dema nave te dixwênim

çar alî pê dilerizin

hey dergûşa evîniyê

cîhan bê te mij û tozin

pêşeroj gewherî .

evîna xelkê

egerên xem tîn serê min

hemî ji ber dilê mine

her çi rê ku dane ber min
derketin tev korerê ne

evîn ji bo xelkê geşin
li esmanê evîndara
dema bi şev di çirisin
li pêş karwan û rêdara

li gundê me evîn şerme
gidyano bo , ji mir bêjin
bawer nakim mebesta dil
kesek ji me têbighêjin
belê li gundê me yarê
şîrê miya jî nameye

gelo roja li esmana
dibe ew jî ne ya me ye

divîna min xema nexwe
gava kulên xwe dijmêrim
bawer bike evîna min
jiyanê bot e dibhêrim

pêşeroj cewherî.

Birîna kul

Evêna dil birîna kul

Bo min her şadî û şîne

Herkes pêzane kula min

Bes haye te ji min nine

Kî nizane li vê dine

Evîna dil ji bo te yar

Bawer bike ji bê y ate

Dil bêwarim bê kesûkar

Yekem pirsaxelkê ji min

Gelo ma ji te hez dikim

Ew ditirsin ji eşqa min

Nemaze ku diyar bikim

Dilber îro neyarên me
Dixwazin ware te berdim
Ware min ew sînga te ye
Tak ji pora te bernadim

Divên dûrî te bikevim
Dîtina te bikin xwezî
Li vê dine penaber bim
Bê xwedî weke pezkovî

Pêşeroj cewherî.

Dem bihurî

Dem bihurî jî qediya
Xwezya li bendê bûm nehat
Roja li nik min hêvî bû
Ew li ku ma gelo nehat

Ji mêj de ez li bendê me
Li dil dîsa roj ne hilat
Xeman û hisretan sotim
Wek mendê sîpanê xelat

Nema zanim bûye çend sal
Bi vî rengî jî bihurî
Delala min gelek bo min

Bi hêsirê min re girî

Kesî weke min bimerdî

Ji bo yara xwe neda pêş

Lê mixabin dil bidawî

Bû warê kulmal û xemkêş

Ez bûm xemkêşê cana xwe

Delal û naz û rinda xwe

Belê bûm gemiya derdên

Xemên deryailhama xwe.

Pêşeroj cewherî.

Rêwiyê du çavên reşim

Rêwiyê du çavên reşim

Bi şev û roj bê rawestan

Dev û çînên garden bixal

Li nik min pir buhane can

Min gelek xwazgînê şandin

Bo xwedana du çavên kal

Lê mixabin cegerxwîn bûm

Yan jî dilbirîn bûm delal

Gava ketim rêya çavan

Sawa evînê çî girtim

Îro ji bo vê eşqa dil

Revendekî bê welatim

Firarê herdu çava me
Ji ber vê çendê bêzarim
Dixwazin dûrê wê herim
Lê vê yekê ez nikarim

Ew dixwazin mem û zînê
çarenûsa her evînê
evîndarên me bêmirad
bimrin bi hisreta jînê
pêşeroj cewherî.

Ezê li kur te bibînim

Ezê li kur te bibînim

Bêje min da ji bo herim
Îro ji ber dûrî te me
Serxweşim bê ser û berim

Serxweşê evîna te me
Ji xwe ev dil tijî xeme
Tu, b xwedêkî were nik min
Dil bikul û bikeserim

Çima ez wek hevalên xwe
Naghêjim ya ber dilê xwe
Ma qey nifir li min bûye
Li jîna xwe bê sîberim

Jiyan bê wê gelek zore

Weke xweda ew li jore

Xweda bixwe hezkirine

Di vê rê de sofîgerim

Di vê rê de pir bi sozim

Wek rewşa bê mij û tozim

Ji xwe ji mêj de sozdarim

Ji vîna xwe venagerim

Pêşeroj cewherî .

Jiyana bê Kurdistan

Vîna dilê min tu kes nizane

Çavê min digrî hêsir nemane
Lê çi bibêjim ji kur dest pêkim
Dawiya dinê li min fermane

Dawiya dinê li min rabûye
Kêfa neyaran bi min şabûye
Axîm û gazî li dû guraye
Kul û derdê min nehênî mane

Kul û derdê xwe çi car nabêjim
Ezê barê xwe bi xwe rahêjim
Hey feleka min dijmin û xayin
Bare xwe danî li ser barane

Kesûkarê min pût û latê min
Bi serde evîna welatê min

Gelo bo çi kes dengê mi nake

Ji ser min rakin xem û kovane

Roja evîn me nekir karê xwe

Derketin em tev her ji warê xwe

Îro dibêjin me bê welatin

Mixabina jîn bê kurdistane

Pêşeroj cewherî .

Ji xemênilhama dil

Ew hêza dil bê hêvî kir

Gelo kare ava bike

Careka din hêviya min

Bi jiyanê ve şa bike

Heger min zanîba xape

Kêfa dil tê bike girî

Min gul û bax ne diçandin

bi ser de bê bayê kurî

ew hêza dil bêbihar kir

gul ji baxê min weşandin

ketim derya bê rex û pî

çeng û perê min şikandin

bîrdariya te cana min

xeman hestê min givaştin

xwezî te zanîba yarê

çawa kula venehiştim

aho xwezî te zanîba
te çî,b serê min aniye
ji xemên teilhama dil
hemî rojê min giriye

pêşeroj cewherî.

Ezê çawa

Ezê çawa demên berê
Careka din vegeînîm
Bihî bikim wê heman gulê
Li ber pozê xwe bibînim

Daxwazek min bi vî rengî
Gelo ji kê ve bixwazim
Can û hestê xwe melûkim
Perda çi şêxî, b hejînim

Buhara min bûye kavi
Bilyane jê çûk û bilbil
Xem û bê dengî serwerin
Payîzek reş pel weşînim

Îro dem bê delala dil
Mîna xweza bê rez û gul
Rastî bixwe nema zanim
Gelo saxim yan bê jînim

Rojên bê yar ew ne demin

Bi ser hev de kul û xemin

Jiyan dibe mij û mûran

Helbet nema xwe dibînim

Plşeroj cewherî.

Xanima dil

Xanima dil temen borî

Evîn ji xwe bo me şerme

Eger em behsa xwe bikin

Wê kî guh bidêre li me

Xanim çiqas jî diborî

Dil pêre hestiyar dibe

Lê mixabin civata me
Li gel dil ew ne hevdeme

Emê ji kê bikin gazin
Da vê doze jê bixwazin
Li benda kê bikin hêvî
Hêvî ne bê tov û leme

Xanim bixemla mîtanî
Were carek bi serdanî
Ger li me hûn bikin loma
Hîngê ji bo me ne xeme

Evînî her wek kaniye
Dil çendî jê vxwe tiye
Bihara her kesk û şêne

Tim bi dilê xwe pê re me

Pêşeroj cewherî.

Hesekê bajarê[121] şehîd

Hesekê eş û birîna dile

Birîndar ji xwe êşa xwe zanî

Bo parastina xelkê cîhanê

Sed û bîst û yek şehîd me danî

Hesekê bixwîna xwe nivîsî

Helwesta xwe bo her kesî ron kir

Peymana dais û tirk û behsî

Bigurzên gelên xwe tar û mar kir

Hesekê banga hemî gelên me
Bi her zimanan wê çepik lêdan
Dayik bigirî hem bi tilîlî
Bimre koletî bijî Kurdistan

Hesekê dê her û her bimîne
Xar û stiryê çavê dijmin be
Bîrdarî ji bo wan şehîdên me
Bîstê çileyê paşî bik şîne

Hesekê xwîna bav û birên me
Hisirên çavên hemî gelên me
Serdem zivistan bager û barîn

Miçiqîn kanî û delavên me

Pêşeroj cewherî.

Dema ilham

Dema ilham çav kil dikir

Dinya hew têra min dikir

Gava dîrok li me pirsî

Derî me lê venedikir

Şadî ji bo me tenê bû
Buhar herdem li bejnê bû
Destê me, l hev em dimeşîn
Gula ji me fedî dikir

Buhara me gelek xweş bû
Bîst û çar sal li pey hev bû
Felek li me çep zîvirî
Payîz ket şûna dest pêkir

Lê vîna me cejna dilan
Bûye mezara bilbilan
Li pêjna me van bilbilan
Evîna xwe pêroz dikir

Evîna me weke cûdî
Gemya nûh lê cihê xwe dî
Em wek axa pak û evra
Peyxemberan lê nimêj kir
Plşeroj cewher.

Gelo kê dil

Gelo kê ev dil kuştiye
Hiş û sewda tev biriye
Ji her kesî bêtir zane
Xwedana bejna periye

Tiwî êşa hinavê min
Gelek hejar bû hale min
Bûye weke şevêk bê heyv
Ronahiya dil biriye

Ronahiya dilê xemgîn
Yarê nabe bê te evîn
Jiyanek bê kêf û şadî
Şev û rojê min giriye

Were hey naz û şêrînê
Pîroz bikin vê evînê
Peyman bide biguliyên
Gulav biser de kiriyê

Gulav bihilma te xweşe

Wek buhara gul bi weşe
Lê mixabin ji dest min çû
J,Du hezar ,hivdê boriye
Pêşeroj cewherî.

Bila piştî te wêran be

Pêla xemên te danabe
Dikim nakim ra lê nabe
Ku ne,b destê te be canê
Cane birîn derman nabe

Pêla xemên te mezine
Weke derya bê keviye
Bihurmîne bê hedare

Bi çavan xew nakeviye

Derman xemên te bêkêre

Wek rêka dirêj û dûre

Kes napirse li bare min

Barê min birîna kûre

Barê min ew dilê xemdar

Dê çibkin hekîm noşdar

Mesîhaya dilê min bû

Lê ji destê min derket yar

Îro ,j ber çavan ketiye

Dest û hestê min rixuye

Bila piştî te yara min

Cîhan tev de wêran bûye

Pêşeroj cewherî,

Hefta lehengî

Li kurdistanê du nave şêran

Mezlûm û egîd Bûn şan û mînan

Herkes nikare rahêje navî

Bilinde mîna du rêze çiyân

Rêzeçiyayên zagros û toroz

Himber wenizme kawayê Newroz

Heyva adarê bo we hêmaye

Pîroz be li we dîrova şêran

We ji nebûnê hebûnek da pêş

Welat roja xwest bi can we da pêş
Xelkê serdemê hin bêbawerin
Navê rastiya we dikin efsan

Hefta lehengî hersal li ba tê
Dijmin ta niha maye li mate
Gulla yekemîn we berdaye kê
Kurdên kevneşop yan sînga toran

Toranên îro ketin axa me
Xwezî bi axê ketin mejyê me
Ev reng koletî weke mirine
Rêya me kore tev mij û mûran
Pêşeroj cewherî.

Sê perperîk

Di nav baxê biheştê de

Sê perperîk di firîn

Tevn û hêviyên mirovatiyê

Di rêsin

Bihem û xeml û xêzên xwe

Binîşan û hêmayên heyberî

Hebûna xwedê ji ne bûnê

Diçesipandin

Lê paytexta bîko ya zikreş û qehpan

Derewker û sextekaran

Ji kîna dilê xwe yê reş hemî baxên

Di biheştê de jehr kirin û her sê perperîkên

Min nemir bûn

Ma qey bê hoyî bê sincî ewqasî

Li nik we bê sînorin

Dema hîn dibêjin em mafê mirovan

Di parêzinma

Ma qey çekxorî bê mirêsî û xerabî

Ji nîrxên we ne yan ji dab û nêrîtên we ne

Bizan ew mejiyê bav î kalên we

Nema bes dîkin ji bo we

Ji berku ew kurdîn dêroka reş

Îro nemane li ba me

Lê min nizanî bû hûn ji kulîlk û perperîkan

Ditirsin dema hêlînên xwe

Bi hevdu re dirêsin hpn ditirsin

Pêşeroj cewherî .

Xemên ilham

Derya xemên te pêl bi pêl

Ji hembêza te dûr kirim

Min diviya li ba te bim

Lê pêlan ber pêlan birim

Derya xemên te pir kûre

Dikim gazî ,gazî dûre

Ma qey kesek mi nabîne

Di jîwera xwe de mirim

Derya xemên te hêsin

J,herdu çavên min dibarin

Bûya çend sal bi vî rengî

Dilo bese ne kevirim

Ezê çawa bibim kanî

Da ku her kes pê bizanî

Li ber kulên xwe biçînin

Berî ji vî warî herim

Ware bav û kale mine
Dilber wêran kir li mine
Gelo hêvî li ku maye
Biçim li xwe da bigerim
Pêşeroj cewherî

Ilhama min bû

Dilgeşê xortê gunda bûm
Dildarê hemî dila bûm
Bihna giyak û gula bûm
Bi kenê me dibû bihar

Bi kenê me,r di pişkivîn

Baxê gula deşta evîn

Çem û kanî di herikîn

Bilbil dixwend bo min û yar

Bilbil dixwend awazên me

Bi çanda herdu dilên me

Di xemilî dîmenên me

Bi dengê pezçêr û cotyar

Pezçêr û cotyarên me ne

Rencberên welatên me ne

Belê ax û latên me ne

Min û yarê me çandin dar

Dara evîna mezin bû

Yarê eşqa min û te bû

Nave wêilhama min bû

Çi bêjim wê bar kir ji war

Pêşeroj cewherî.

Şûnwarên me

Canê zelal û şîrînê

Kaniya av diherike

Sûlava şîrê sipiye

Têr nabe çendî fir bike

Baran dema li payîzan

Dibare bihna axê tê
Canê evîna me çima
Ji dilên me sed axîn tê

Kaniya me jê fir kirî
Nema pêjna te lê dikim
Raz û xewnên me têkel bûn
Gelo ezê bê te çibkim

Bikîjan avan de herim
Şûnwarên me diponijin
Hîn ji bihna min û te yar
Velorînên me dibêjin
Velorînên dilbera min

Delal û xemrevîna min
Heta saxim li vê dine
Dê her kul be birîna min
Pêşeroj cewherî.

Ez nizanim

Bawer bikin ez nizanim
Gelo saxim yan mirî me
Çima ji min bawer nakin
Bê yara xwe bê xwedî me

Bawer bikin ev rewşa min

Ne gotinên helbesta min

Çima wilo bê guhdêrim

Ma qey mirovê kovî me

Bawir bikin hêviya dil

Bû bar û piştî li ser mil

Çima ji min bê bawerin

Mirada bextê ketî me

Berê pîşiya gotîne

Gir bi destê xwe buxrîne

Dilê min hey kurê jaro

Piştî yara xwe sêwî me

Piştî çavê wê reş bînim

Dikim nakim xwe nabînim

Dixwazim ji xwe birevim

Lê teyrê bê bask û pî me

Pêşeroj cewherî .

Têlî xan im

Têlî xanim hêviya dil

Jiyana bê te kesere

Cîhan ji xwe bê te nabe

Wek payîza kal û zere

Têlî xanim bihara geş

Berî dama xwe hilweşî

Jiyana ku ti bixwe bû

Mixabin tev de herişî

Têlî xanim çivîka me

Nema tê ser hêlîna xwe

Li pey we bêkesûkar man

Tenê digrî li hale xwe

Têlî xanim tê bîra min

Gava bi hev re di meşîn

Sorgul ji bo me vedibûn

Ava îeman ne dixuşîn

Têlî birîna bê derman

Xwediya çavê reş bê kil

Îro bê dil û mejî me
Jiyana min bûye kavil
Pêşeroj cewherî .

Bê dilim ez

Bê dilim ez bê rewanim
Mîna ji bo kula warim
Piştî cana xwe bê canim
Civata bê kesûkarim

Jiyan xweş bîn û bibîne
Gelek şîrîn û pir çake

Çavê min hawîr dibîne
Tişteke dilê min xweş nake

Dê çi hêvî bipişkivin
Dem û dewran ne zîvirin
Ger bigirî ez pir girîm
Diyare jîn pûç û vire

Çem bigirî biherikin
Agirê xem venamirin
Yarê pêla hizr û bîrên
Te hinavê me tev sotin

Li ser textê birîna kul
Evîndarê te nexweşim
Mesîhayê were ser min

Bawer bike gelek dêşim

Pêşeroj cewherî .

Nikarim ez

Nikarim ez xweş bikim dil

Ku li dine hêvî maye

Ma dibe xwe bixapînim

Dermanê derdê nameye

Ma neyarê jîna xwe me

Ji hêviyan bikim hêvî

Yan neyarê zîna xwe me

Ji bîr bikim bi çî hêvî

Agirê nav dil vêketî
Zerya hêmin pê nikare
Ji ber vê çendê binalim
Dil bi sed êşa pêkare

Dipirsin bo çav digirî
nizanin bo kenê dawî
çavê şil ji dilê kulin
axîn ji destê bedewî

axîna min bê wijdane
ketî laşê min dêşîne
gelo li kê bikim gazî
derman ji bo min bişîne
pêşeroj cewherî .

Geşxewn

Bêjin ji bo xwe çî bikim

Yara dil da ji bîr bikim

Bîst û çar sal ji emrê xwe

Ezê çawa jêbir bêkim

Bîst û çar sal birastî re

Bi jiyana xwezayî re

Ez têr nebûm ji çavên wê

Mam bi hisreta xwezî re

Can bê evîna dil tiye
Pêta evîn dil sotiye
Sîbera hizr û bîra min
Bi dû geşxewna ketiye

Periya biheşta jînê
Ciwana dil sitya zînê
Tu,b xwedêke were ser min
Da sax bike vê birînê

Birîna min bi destê te
Dirust nabe bê destê te
Ava kewserê venaxum
Bila wêran be jîn bê te

Pêşeroj cewherî.

Eger bihar

Eger bihar bê te were

Bizane bê şerme yarê

Çawa kulîlk bê te vebin

Bihna te jê nekim yarê

Buhar ji xwe bê te nine

Herdem payîze xemgîne

Tev ku rewşa min tu zanî

Hîn ji ya xwe nayê xwarê

Sûnd bi bisk û guliyên te

Ji bîr nabe evîna te

Pêla êşa li dilê min

Bilind dibe her êvarê

Her ji ber êşa te gêjim

Dikim nakim bi tenaghêjim

Pirsa min wê sermedî me

Kê em ji hev kirin yarê

Erê hewnaz û rinda min

Perwîn û gula gunda min

Te ez wer bitenê hiştim

Çima gidvano hawarê

Plşeroj cewherî .

Xwedawenda min

Xewdawenda mine herdim

Bi ola wê bawermendim

Heta rojek jiyana min

Evîna olî neberdim

Evîna min ne ji rêze

Rengê ayînek pîroze

Tewtema bo min birêze

Bi male dinê tev Nadim

Ilhame pêjna xwedê ye

Periya nav biheştê ye

Weke gula ser latê ye

Ez bi hilma wê çî şadim

Evîna wê weke raze
Dilê reben bê amraze
De were tim bixem raze
Zanibe ez bê miradim
Pêşeroj cewherî.

Bexrreşim

Birîndarê te me yarê
Bljna te bon ema tê min
Warê pêjna te lê nekim
Nama dibe welatê min

Yarê bê te biyanim ez

Li teniştê dê û bavan

Naxwazim kes min bibîne

Rênekin bo min silavan

Perîşanim bê sewda me

Demên min tev de çep gerîn

Hindo bawer bike ji min

Hemî rojên min bê kêrin

Gava te tine bîra min

Hêsir xweber diherikin

Bê zanînim xwe nabînim

Li hember min rê hirikin

Dilber wer ji min diyare

Ezê her xemgînê te bim

Bila xelkê me çi bêjin
Ez dê her bextreşê te bim
Pêşeroj cewherî .

Min nizanî

Min nizanî min nizanî
Wilo bê vîna te nabe
Min nizanî li cîhanê
Jinek din wek te çênabe

Min nizanî ev dilê min
Wê bitenê her bimîne
Dê kes nebe derman bike

Kuştiyê te çavêt kale

Min nizanî ez nexweş bim

Wê kes bi ser min ne kevî

Wê şevên min pir dirêj bin

Bibin wek derya bê kevî

Min nizanî piştî te yar

Malim li malan bigerî

Xewnên şîrîn bi dawî bin

Min ev ne dikir bawerî

Min nizanî ezê bê te

Bibim diljarê vî warî

Yarê kê nifir li me kir

Xwezî têkevin vî halî

Pêşeroj cewherî .

Zimanê dil

Ferhenga te zimanê dil

Têra evîna wê nake

Ezê ji ku bînim bêjan

Besî bejn û bale bike

Şemala wê xwedaniye

Weke roje dema hiltê

Li hizreta wê de lalim

Bihar ji xweş bihna wê tê

Yarek wilo birêz û naz

Bê xatir bê vîna min çû
Bar li cane min wê bar kir
Felek bê bext û kavi bû

Bi hisret û nalîna te
Dilsozê te her bimînum
Bicare te ji bîr nakim
Heta roja serî dînim

Ez dê çawa ji bîr bikim
Rûdêma te qitik çava
Yarê derdê te giran in
Sûnd bişehîdên rojava
Pêşeroj cewherî.

Dil û dilber

Ketim navber dil û dilber
Li min herdu diçînin xem
Dikim herim penaber bim
Warekî bê zor û sitem

Dil maye wê bibîr bîne
Kavilên me li şûnwaran
Li gundê evîna me yar
Tenê mam li ber dîwara

Ber dîwarên bê can û dil
Buhar û hêvî kizirîn
Bûye çend sal bi vî halî
Bûm ware xem lê hêwirîn

Belê ez bûm warê bêdil

Hew biken jîn dipîşkive

Wek gundê ku bê şênî be

Jiyan bê pijin û xave

Lê mixabin pênuşa min

Nizane ya dil bibêje

Ji ev kul bêjimarî

Wê bêdem bêj û biblje

Pêşeroj cewherî .

Gelo heye

Yarê çavên min nabînin

Yan ti bixwe ne diyarî

Mane ji bo xatirên te

Rûniştî me li vî warî

Eger ku ti ne li vir be

Kengî sebra min bê te tê

Cihê pêjna te lê neyê

Xerêbim ez li xurbetê

Felek wê li bextê me da

Destê min û te ji hev kir

Buhara li pesarên me

Nema hûr baranê lê kir

Sorgulên me bidesta çand

Îro ji dîtna te tînin

Lê mixabin delala min

Neya li hîn bi kîn in

Îro ejî nema zanim

Canê êdî bi ku,d herim

Gelo heye careka din

Li wê xewna xwe vegerim

Pêşeroj cewherî.

Dikim ji derda

Dikim ji derda birevim

Bi çol û polan rêkevîm

Belkî ji hiş xwe bikevim

Ji bîr bikim te periyê

Ez nizan im bi çi rengî

Bimîne hiş heta kengî
Ji xwe dem pir ne giringî
Li jîna bê te zeriye

Li nik min herdem ho yarê
Xunava rijtî buharê
Bihna kulîlkên êvarê
Xeyala derdê zeriye

Çavên min li hawîr dore
Hergav li bendê me were
Lava dikim ji xwedê re
Dîsa bibînim bêriye

Bêriya min gula rez bû
Şivana ber dil û pez bû

Gelek dilpak û nebez bû

Jiyan û sewdan biriyê

Pêşeroj cewherî.

Tê bîra min

Tê bîra min li nav baxan

Bilbil ji bo me serxewş bûn

Pênexweşên me dinêrîn

Li me herdem çav nebar bûn

Têbîra min delala min

Li nav zadan em dimeşîn

Sira bayê hinik dihat

Kulîlk bi ser me diweşîn

Tê bîra min te digot min

Binêrin şalûl dixwînin

Govenda şilêr û gulan

Ji kêfa me bi evîn in

Canê îro ev canê min

Ji bo bîrhatîna tiye

Qulingê bask birîndarim

Dûrî refax we ketiye

Pêşeroj cewherî.

Bihna yarê

Canê,j bihna te buhare

Gul ji rengê te guldare

Sorgul ji lêva sordare

Çibkim pesin têrê nake

Gava ku ez wê dibînim

Kul û xemên min namînin

Biheşt û mêrg û solîn in

Di nava dil di herkie

Bayê bihna wê pir xweşe

Dema ji kezya bi weşe

Sibeha ku jê baweşe

Destê min jê ne.d bû rabe

Lê îro bê dil û çavim

Çong şikestî me bê gavim

Ji bo hemî derda ravim

Gelo hey ekes min rake

Na kes nîne bê hêvî me

Ji her alî ve sêwî ma

Ji dora xwe re şahî me

Yarê çûye min his nake

Pêşeroj cewherî .

Buhara bê gul

Çendan xunavî bikeve

Bê te xweza napişkive

Herdem ev dil biaxêve

Weke bihara bê gule

Gelo heye bi te bighê m

Têra xwe ez te bihn bikim

Hisreta dil pê ve bikim

Bexçê gula bê bilbile

Dil ji ber evîna tiye

Mirad û her xwezî tiye

Bi xemên xwe te kuştiye

Hêla me bê pişt û mile

Îro ez dîn û bê dîn im

Dilbirîn û cegerxwîn im

Digerim lê te nabîn im

Dermanê birîna kul im

Ez li cîhanê bigerim

Bi her alî ve de herim

Li her çi jinê binêrim

Tenê tu xwestiya dile

Pêşeroj cewherî.

Çima yarê

çima dilê bê guneh yar

Bi evîna xwe sotiye

Carekê ne gotî bine

Vîna mi, j ar û pêtiye

Çima yarê çima yarê

Çima yarê hêviyên me

Ne pişkivîne carekê

Belê ware xemkêşa me

Mem û ebdalê zeynikê

Çima yarê çima yarê

Çima yarê newêrim ez

Dil û hestê xwe bibêjim

Gelo ezê çawa bikim

Welatê lê ker û gêjim

Çima yarê çima yarê

Çima evîna jiyanê

Li pêş çavên me reş dikin

Lê bes viyana mirinê

Li ber dilê me xweş dikin

Çima yarê çima yarê

Çima xelk çûne merîxê

Hîn li me çarçefa reşe

Mixabin rojhilata me

Rênasî qiralka reşe

Çima yarê çima yarê

Pêşeroj cewherî .

Ne ji dil

Ne ji dil ji te hez dikimç

Ne bi mejî hizra te dikim

Dil û mejî têrê nakin

Bi rihê xwe , j te hez dikim

Rojekê dil wê raweste

Hişbîra mejî bi beste

Lê rih dimîne her û her

Evîn bi sermedî raste

Evîna me diherike

Kaniya tî jê fir dike

Bi her zimanî pesnê te

Çiqasî bêjim hindike

Dema ku min pirsê te kir

Pênûsa min xwe darvekir

Ji ber xewn û xeyalên min

Besî bejn û balê nekir

Ezê çibkim xewn û xeyal

Ketim derya du çavên kal

Pora reş biser milan de

Wek sûlavên çemê bê xal

Pêşeroj cewherî

Şeva dilê min

Şeva dilê min zîz bûye

Çima sitêrkên wê ranazin

Dibe îşev mem û zîne

Eger heye ne bê razin

Yarê yarê herdem yarê

Eger îşev mem û zîne

Dilo yek tika min heye

Qurban serpehatiya min

Bila biserê gura neyê

Yarê yarê herdem yarê

Serpêhatî even û yar

Tenê hiştim bê dilovîn

Nema bihna yarê dikim

Çiqasî ev gul pişxivîn

Yarê yarê herdem yarê

Şeva dilê min bê denge

Sitêrkên wê ker û mestin

Yarê çi heyfa min û te

Erd û ezman şîn xweristin

Yarê yarê herdem yarê

Jiyan bê te ber çavê min

Îro bê reng û bê bîne

Bawer nakim ev çavê min

Yeka dî wek te bibîne

Yarê yarê herdem yarê

Plşeroj cewherî

Hewnaz

Dema hewnaz li nik min bû
Gelo xewn bû yan rastî bû
Ez vê pirsê ji kê bikim
Dilê xwe da bi cî bikim

Hewnaz bihna dar û baxan
Gula bilinda ser şaxan
Çiqasî gul bêjimarî
Her birengê te guldarin

Hewnazê ne li ba mine

Kêf û xweşî bida mine
Ten û tena li vir neman
Firyadî ji destê xeman

Kengî gul wê bipişkivin
Gezo li dara bikevin
Hîngê ezê herim baxan
Biçînim wê gula şaxan

Dilo bese heta kengî
Bide xeman bi sed rengî
Bilbil ketine zêmara
Bê te hewnaz mam li wara
Pêşeroj cewherî.

Dilketiya min

Çima te ez hiştim yarê

Li vî gundê bê dost û yar

Ezê li kê bikim gazî

Kul û xeman dilê min xwar

Çima te ez hiştim yarê

Ji sînga te çemê kewser

Evîna me di herikî

Mixabin jîna me bû wek

Ewrê havîna ferikî

Çima te ez hiştim yarê

Tiliyên te dilketya min

Roniya heyvê di dotin

Lê îro piştî te jarim

Şevên reş xwîna min mêtin

Çima te ez hiştim yarê

Li ser rêya evîna te

Mîna wî rêwiyê kalim

Bi gopalê desta bi meş

Ne poşmanê çavên kalim

Çima te ez hiştim yarê

Em dûrî hev du sêwîne
Kêfa neyara li me tîn
Hevdîtina me buhara
Mêrg û kanî bi xuşxuş tîn
Çima te ez hiştim yarê
Pêşeroj cewherî.

Ne pêkane serêkanyê

Ne pêkane serêkanyê

Hêlîna bilbil û lega

Wer bimîne li bin destan

Bibe warê gur sega

Nepêkane.....nepêkane

Nepêkane serêkanyê

Kaniya koka me kurda

Dîroka mîtan û horî

Bibe ware kul û derda

Nepêkane.....nepêkane

Nepêkane serêkanyê

Xelkên ew penaber bin

Keryê çetan li şûna wan

Xwedyê malê û serwer bin

Nepêkane.....nepêkane

Serêkanyê bajarê min
Hîn xeyala min azade
Li kolanên te digere
Dev ji lîskên xwe bernade

Nepêkane.....nepêkane

Serêkanyê delala min
Nixurya dê û bavê xwe
Li ber pîkê kaniyên te
Kurda vekirye çavê xwe

Nepêkane.....nepêkane

Şûnwar û kaniya jînê
Jiyan bê te êş û jane
Bindestiyê sirgûn bike
Azadî bi te ciwane

Nepêkane.....nepêkane

Pêşeroj cewherî .

Feleka bêdilovan

Du roj dijîna min de ne

Giran in pir bi wate ne

Sûndxwarî me ji bîr nakim

Madem ev dil pê dijene

Yekem roja min gewrê dît

Duwem roja ne bedî bît

Hey feleka bê dilovan
Axînên min ji ber te ne

Temîna min li her kesî
Dunya xayin lê napirsî
Birînên sorxwîn vekirin
Ev dil seba wê dijene

Ketim ber bayê felekê
Bahoz û ber gerînekê
Jiyana min bê hedare
Hêvî bûn got bêjene

Min çî rê girt çî gigihîştim

Mam li ber lehyan lêmiştîm
Gerdûnê bi sitem kuştîm
ji pîsan re bûm pêkene
pêşeroj cewherî.

Pezçêrê xeman

Ez dê rêkim ji bo xwedan
Sed peyaman ji bê dilya xwe
Ez bûme pezçêrê xeman
Ji ber koça dilyara xwe

Eger xwedê li ser erdê
Wek peyxember tev dibêjin

Berpîrsê xêr û şera ye
Dê bo min bide bersiva xwe

Ez dixwazim wê delalê
Ya ku herdem dil li bale
Ew kevoka fîq sipiye
Dîsan bê ser hêlîna xwe

Ez dixwazim mîna berê
Şîn bike eyn wê buharê
Dinav baxên heman gulan
Bigrim destê dilbera xwe

Ez dixwazim wan miradan
Cardin vegeîne jîyan
Lê nizan im gelo xwedê

Kare bike vî karê xwe
Da bibîn imilhama xwe
Pêşeroj cewherî.

Xwezî

Xwziya dil herdu çavan
Bidîtna te ronî bikim
Yarê ez bûm ware xeman
Xeyalên te kedî bikim

Xwezya wek pelên payîzê
Li ber bayê te biwama
Ew çax bextê me dê yekba

Ji dîtina te wer newama

Xwezî roja hevala min

Bi hatina te dil şaba

Yar biketina destê min

Bila bê mal bi kon bama

Xwezî îşev leyl û mecnûn

Herdu nêzî hev bibana

Min dê yek vîn bikra hêvî

Berxê ber make dan bama

Kê li çavên te yara min

Darçîn û sosin çandine

Dilşa nekî bigotek xweş

Wê here tev serûbine

Yarê bawer bike îro

Balindê bêper û çengim

Li kolanên jîna bê te

Heta bê nav û bê rengim

Pêşeroj cewherî.

Mirada bêwar

Ez hîn dilbend û sozdarim
Çavim li bendî yarê me
Dibe ku carkê miradan
Xwedê şîn bike warê me

Were hey mirada bêwar
Evîna lê nebûm civan
Gelek şerme buhar were
Nebînim te li nav gulan

Her êvar ku sira ba tê
Birênên kul di axivin
Wek deşt û zozanên bê av
Dar û ber lê napişkivin

Kevirên çiyayên felek
Guldana ber dil şikandin
Hêviyan destê xwe şûştin
Jiyan li min wergerandin

Çira jiyana min delal
Herdem şewqa wê ji te bû
Hêlîna dilê min yarê
Bersiya mijangên te bû

Îro li dora roja min
Dunya nema di zîvire
Maye hêstir ji çavên min
Bênavber tên xwîn jî pêre

Ezê bigrîm ta ku bigrîm
Heta Kwîrbim bê te yarê
Tika dikim mekin gazin
Ji hemî la kul tên xawrê
Pêşeroj cewherî.

Evîn û welat

Dilber îro welatê dil
Ez çî bêjim bûye kavil
Dar û zevî deşt û beyar
Navên bê te kincên buhar

Welatê ku dil ne lêbe
Wê çawa jin li wir lêbe

Evînpîroz û lata min

Dilber hey rojhilata min

Şewqa welatê evîne

Birêz û naz û şirîne

Li piştî te şahî nema

Dilber ketim lehî xema

Ketim ber lehya xemên te

Barana gij ber kulên te

Çavên te bo min welatim

Bêdilim bê te bê latim

Bixwîn û hêsrê me sotin

Lê ji dilê me derxistin

Evîna te welatê min

Birîna te kula tê me

Tenê ji te ...

Tenê ji te man xem û kul

Herdem hêsir û çavên şil

Lê binrûye birîna min

Têkel bûye bixwîna min

Tenê ji te man bîrhatin

Kovan û xem dilgivaştin

Lê yar nizane êşa min

Îro ev bûye kêşa min

Tenê ji te man dilên tî

Bûm pepûkê vî welatî

Ne bawerim te bibînim

Perda çi şêxî , b hejînim

Her dirim nav gul û giya

Berî didim çar aliya

Ji bo ku li xwe bigerim

Divê ji vî warî herim

Ezê berdim vî diyarî

Dûr bikevim ji vî warî

Yarê kesek li vir nema

Bêje kulek jê re hema

Jiyan li min bûye hove

Tu, dbê neman mirove

Da yek biser min venebî

Ezê herim hêdî hêdî

.....



ZANYAR

KOMBÛNA ZANYARÊN AZAD

تجمع المعارفیین الأحرار

